



- **Laetatus sum in his quae dicta sunt mihi: in domum Domini ibimus.**
I mo confortâ canch'an mo dijea: "I jun sö tla ciasa dal Signur!" (Salm 121)

I án speté ert y porchel s'enconfortunse da podei endô s'encunté desco comunité. I proun porchel ince da se tó a cör l'envit dal Papa „... *da domani si potrà celebrare la Santa Messa con il popolo; ma per favore, andiamo avanti con le norme, le prescrizioni che ci danno, per custodire così la salute di ognuno e del popolo.*” (Regina coeli 17.05.2020) spo jará döt bun!

- **Messes de sopoltöra:** en lönesc de Pasca de Ma vegnel celebré dla gran messa la s.m. de sopoltöra por † **Florian Terza** d'André († 08.3.2020) y **Ida Frontull** de Mareo († 18.4.2020).
- **Messes dai dis da laur:** ia por l'edema él sen endô messa le **dedolönesc** y la **sabeda** da doman y la **jöbia** da sera, **entres te dlijia**. I ciarun da adoré les proches sö dant (samben tai posc amarscés) por ne messei nia vigne iade les dejinfeté dotes. Al ven ince perié ennant che les families o porsones, por cheres che al ven dit les messes i dis da laur meni n familiar a lí la letöra o se chiri n letur/na leturia co le feji por ei. Podei lí dant la Parora de Dio é n gran onur y le sorvisc dal letur é emportant por la liturgia: signor ploan preia porchel der bel che ince les porsones co sorantól cösc sorvisc ia por l'edema vai dan messa te sacrestia a se lí jö le test biblich y a se do les supliches. Cösc ince por che el sai ch'al sará ön/öna co va sö a lí y n'ái ensciö nia bria da chirí o aspeté. lolan!
- **Funziun dal Bato:** le proscimo iade gnarál bacé en **domegna ai 14 de jügn**.

1

Enformaziuns y termins

Ciasa de Palsa: i rengraziun düc chi co ti á mené posta dertan cöstes edemes ai berbesc y ales medes co vir te Ciasa de Palsa. La posta é gnüda der aprijada. Preibel scriedi ennant. La Ciasa de Palsa lascia ince alessi che les portes resta ennant slütes por vijitadús, mo che al é la poscibilité da tó sö contat con i berbesc y les medes tres internet. Emplü gnarál motü a jí tal dagní na poscibilité da se encunté te n ambiont sogü por i berbesc y les medes.

Döt le bun a:	Jan Rindler	* 24.05.1932
	Albert Willeit, <i>Al Plan</i>	* 25.05.1939
	Oliva Ellemunter ved. Ellecosta	* 29.05.1926
	Angela Pedevilla, <i>Bornech</i>	* 30.05.1939
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Jide da düc i popui, fajede fora de düc mi discepui

📖 **St.Ap 1, 1–11 | Ef 1, 17–23 | Ebr 9, 24–28; 10, 19–23 | Mt 28, 16–20**

Dal Vangelo do San Mateo:

Te chel tomp ¹⁶é i önesc discepui jüs tla Galilea sön che munt che Gejú ti á dit. ¹⁷Y canch'ai á odü Gejú, s'ái enslené dan da d'el. Mo n valgügn dubitâ. ¹⁸Danló ti é Gejú jü pomez y ti á dit: A me m'él dé döta la potesté tal ci y söla tera. ¹⁹Porchel jide da düc i popui y fajede fora de döta la jont mi discepui; bacedi tal ennom dal Pere y dal Fi y dal Spirit Sant, ²⁰y ensignedi da osservé döt ci ch'i ves á dé sö. Ciarede: lu sun con os, düc i dis cina ala fin dal monn.

Oraziun dal de

*Periun! Dio onipotent y etern,
emplescesse de ligreza y de
reconescionza, deache tal'ascensium a
ci de to Fi nes aste inalzé ince nos
dlungia te: renforzesse tla confidonza
ch'i sun ince nos cherdés ala gloria te
chera che Crist nes é jü danfora, el co
é Dio y vir y regneia con te t'unité dal
Spirit Sant por düc i secui dai secui. –
Amen*

(Lezionar A)



📖 **Letöres dla Gran festa de Pasca de Ma:**
St.Ap 2, 1–11 | 1 Cor 12, 3b–7.12–13 | Jan 20, 19–23

Edema liturgica dai 24.05. ai 31.05.2020

DOM 24.	GRAN FESTA DL'ASCENSIUN DAL SIGNUR PALSACRUSC De mondial dai mesi de comunicaziun soziai De mondial d'oraziun por la dljia tla Cina 08:30 gran messa por dōta la ploania <i>oferta por la ploania</i> s.m. de rengraziamont por i 30 da noza de Angelo y Paolina Rigo s.m. por †† Jep (aniversar) y Rosa Ellecosta, Lūchesc s.m. por gní stravardés da epidemies s.m. en onú y de rengraziamont a Santa Maria	<i>Ester, Dagmar</i>
Lön 25. 19:30	<i>Beda, Gregor VII., Maria Magdalena da Pazzi</i> s.m. a Al Plan	
Ded 26. 07:30	<i>Filip Neri, Maria Anna</i> s.m. por † Lena Frena Brandlechner, Sotru s.m. por †† Hermann y Carlo Ploner, Corterei s.m. de rengraziamont por la sanité en onú de S. Maria y a signor Heinrich Videsott	
Dem 27.	<i>Augustin da Canterbury, Bruno</i>	
Jöb 28. 19:30	<i>German, Wilhelm</i> s.m. por †† Vigile y Maria Comploi, Möra s.m. por † Jan Maneschg, da Poz s.m. por † Jep Konrater, Biei	
Ven 29. → 19:30	<i>Paolo VI., Sisinus, Martyrius y Alexander</i> oraziun da Taizé	
Sab 30. 07:30 18:00	<i>beat Otto Neururer, Ferdinand</i> s.m. por † Angelica Ellecosta Declara s.m. de rengraziamont dla fam. Fabian y Natalia Pitscheider s.m. por †† fredesc Nane, Dolo y Jep Ploner, Rü dessot/Plazores s.m. prefestia a Al Plan	
DOM 31. 08:30 10:00	GRAN FESTA DE PASCA DE MA gran messa en onú dal Spirit Sant por dōta la ploania <i>oferta por la ploania</i> s.m. a Al Plan	<i>Petronila, Metilde, Aldo</i>
<i>ampola:</i>	do intenziun por la sanité	
<i>ministronc:</i>	→ dedolönesc y sabeda: Jonas y Matteo → jöbia y domegna: Natalie y Alexander	
<i>i recordun:</i>	Elena Rigo † 24.05.2014 Frieda Feichter Senoner, <i>Santa Cristina</i> † 27.05.2010	



Gnanca n de de vacanza (Mt 28, 16–20)

I ponsi do

Gejú va sö al Ci, mo al se lascia la "potesté" da fá deventé, con le bato, dōta la jont dal monn fis de Dio. Al é n sorvisc d'amur y de testimonianza co é ciamó encö vi tla Dljia. Al n'é degün de tla storia, degün momont tla vita olá che Gejú n'é nia con nos. Cösc se dá speranza y se deida dandadöt tai momonc ri y scürs.

I preii ensciö

Gejú, te t'an vas por dagnora, mo te se garantescs tōa presenza cina ala fin dal monn. T'as tō dōt tla man mo te i afides dōt a tū discepu. Te podess comedé dōt atira mo te lasces che ei porti de por de tōa Parora a dōtes les porsones co vir sōn cōsta tera. Al é na Parora co trasformeia, na Parora, dita dertan che al ven jüté empü' d'ega söle ce, co fej gní fis de Dio y tol demez le picé. Tō t'an vas sö al Ci y a nos se damaneste da jí ennant söla tera, te vigne piz de cösc monn, tai posc plü ascognüs dal cör. Ester tū discepu i ô dí jí, encündé, baié y fá te tó ennom, orei bun desco tō, speré por te y avei fede ma te te. T'as slüt jō tōa misciun mo te ne vas nia en vacanza. Te vas sö al Ci, mo te ne "sparesces" nia. Signur, al é ciamo trep da fá, ci ch'al ô ciamó ester ne sái nia. I sá ma che te s'arvenes da lassō jō sōn strades ch'i ne sun mai ciamó jüs, adancuntra a fredesc ch'i n'án nia ciamó amé.

Walter Cazzaniga, Parola amica – Il Vangelo della domenica per ragazzi

Segensgebet



**Guter Gott,
wir glauben,
dass du uns nahe bist,
wie du Maria nahe warst.
Wir vertrauen,
dass du uns begleitest,
wie du Maria begleitet hast.
Wir hoffen,
dass du uns stark machst,
wie du Maria stark gemacht hast.
So bitten wir dich,
segne und beschütze uns,
wie du Maria gesegnet hast,
Du, der dreifaltige Gott,
der Vater,
der Sohn
und der Heilige Geist.
Amen.**